



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Cornelii Jansenii Iprensis Episcopi Augustinus Europaeus
Perperam Dictus**

Wavre, Philippus van

Antverpiae, 1709

Sect. III. Augustinus immutabilem peccandi necessitatem destruxit [et]c.

urn:nbn:de:hbz:466:1-39351

DE PROPOSITIONE III. 343

nit his limitibus hōc ipso Capite : Peccatum est, cum vel non est Charitas , quæ esse debet , vel minor est quam esse debet , sive hoc voluntate possit , sive non possit . Quia si potest , presens voluntas hoc facit ; si autem non potest , præterita voluntas id fecit,

Ne tamen immutabilem , quam Jansenius peccato non metuit , necessitatem peccato sufficerre in hoc statu , modò voluntas incoacta adesset , videretur indicare , atque adversarium eversæ libertatis ad peccandum requisitæ criminatorem redderet , subjungit : ET TAMEN VITARI POTEST . Non quandò voluntas superba laudatur , sed quando humilis adjuratur .

En quanta sollicitudo Augustinum substrictum tenuit , ne dum necessitatis vinculō naturalem non peccandi possibilitatem constringebat , omnimodam , absolutam , & inevitabilem necessitatem merito aut demerito nō velle officere videatur . Ut Paradoxo similis vidēri debeat Janleniana assertio , Augustinum contra Pelagianos essentiali libertate contentum , indifferentiam contradictionis non agnoscisse . Procul dubio quemadmodum ad demeriti causam eam admittendam censuit , ita & ad meriti per Christi gratiam obtinendi rationem spectare non ambēgit .

S E C T I O III.

Augustinus immutabilem peccandi necessitatem destruxit , dum objectam à Pelagianis Præceptorum impossibilitatem abjecit .

Duo hæc indissolubili sibi nexu confœdantur : necesse est hominem absolutè , hoc est inevitabili necessitate peccare : & , impossibile est hominem peccatum cavere . Si ergo

344 LIBER QUARTUS

Deus non potuerit impossibilia præcipere , non potuit nec potest homo in eō quod agere necessum est absolutē Deum offendere , eique novō reatu esse subjectus. Impossibilia Deum præcipere , si homo naturali non polleret potestate vietandi omnia peccata , calumnia Pelagianorum est. Sed quā ratione Augustinus eam retundat , dispi ciendum est. Si absolutam & ineluctabilem peccandi necessitatem demerito haud officere existimārit ; nūl eum remorari debuit , quō minūs Pelagianis ultrō daret Deum præcepisse etiam impossibilia : eō quod præcepisset vitare ea , quæ necessitate immutabili committerentur , sed tamen voluntariē & liberē , quiā non coactē fierent , quod ad libertatem demeritoriam affatim sufficit , Auctore Jansenio. Nam licet homo viator tam necessariō Deum non amaret , quād dæmones , equidem demereretur ut idem docet. Ad Augustini placita remeēmus.

*S. Aug. de
grat. & lib.
arb. cap. 26.*

Magnum , inquit , aliquid Pelagiani se scire putant , quando dicunt : non juberet Deus , quod sciret non posse ab homine fieri.

Respondet Augustinus concedendo : *Quis hoc nesciat ? Sed ideo iubet aliqua quæ non possumus , ut noverimus quid ab eō petere debeamus :* Idem habet lib. 2. de peccatorum meritis. cap. 3.

*De nat. &
Grat. c. 43.*

Pelagius quoque dixit : *Quod Deus tam bonus quam justus talēm hominem fecerit , qui peccati malō carere sufficeret , sed si voluisset.*

Respondet iterum Augustinus : *Quis enim nesciat sanum & inculpabilem hominem factum & liberō arbitriō atque ad justē vivendum potestate liberā constitutum ? Sed nunc de illō agitur , quem semi-vīrum Latrones reliquerunt , qui gravibus sauciis confosusque vulneribus , non ita potest ad iustitiae culmen ascendere , sicut potuit inde descendere.*

Sed

DE PROPOSITIONE III. 34

Sed ne immutabili eum necessitati subdere videatur, ac Præceptorum impossibilitate prægravare, subdit: Non igitur Deus impossibilia iubet, sed Iubendo admonet facere quod possis, & petere cap. 23.

quod non possis. Nam nunc videamus unde possit, unde non possit? Iste dicit voluntate non est quod natura potest. Ego dico, voluntate quidem non est homo justus, nec natura potest, quod vitiò non potest.

Nequè tantum Augustinus negat Deum impossibilia præcipere, sed & præcipere posse, ut proindè nec peccata forent si vitatu impossibilia forent: Eò ipso quippè, inquit, quod FIRMISSIME CREDITUR Deum justum & bonum impossibilia non potuisse præcipere.

Eccur, amabo te, non potuit Deus impossibilia homini præcipere juxta S. Augustinum, si Deus potuit immutabili peccandi necessitate eum compedire sic ut peccaret, licet peccatum cavere nullò modō posset, eò quod equidem semper essentiali, inamissibili libertate gauderet, & incoactâ voluntate, id est, libenti peccatum diligenter, & eligeret? Siquidem Jansenius non in defectum libertatis ad demeritum novum requirit refert quod Dæmones Deum non amando novam poenam non mereantur, sed in conditionem statū. Quod an subsistat, examinandum infrà.

